


Bibel fa Kjinja brinj't junt



Noah un de grootte Äwaschwamunk



Jeschräwen von: Edward Hughes
Jemolt von: Byron Unger; Lazarus; Alastair P.
Toom Pauss jestalt von: M. Maillot un Tammy S.
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo läng aus du dee nich vekjafst.

1

Noah wia een Maun dee Gott
aunbäden deed. Aule andre
hauden Hot fa Gott un wieren
am onjehuarsom. Een Dach
säd Gott waut sea growet.
"Ekj well de schljachte Welt
vedoawen," säd Gott

to Noah.
"Bloos diene
Famielje wo
ekj raden."



2

Gott woarnd Noah daut doa eene groote Äwaschwamunk komen wudd un de Ieed bedakjen. Gott säd to Noah, "Bu een grootet Schepp. Soo groot, daut diene Tieren doa nenkjennen."
Gott säd krakjt woo hee daut buen sull, un Noah funk aun to buen!



3

De Lied woaren Noah veleicht utjelacht haben, aus hee säd warum hee daut Schepp bud, oba

Noah bud wieda. Hee vetald de Lied uk von Gott, oba doa horchten see nich no.



4

Noah haud eenen stoakjen Gloowen. Hee jleewd Gott, uk wan daut ea noch nich jerääjent haud. Boolt wia daut Schepp reed fa waut see metnämén wullen.




5

Dan kjeemen de Tieren. Gott brocht säwen von eenje, un twee von aundre. Groote un kjiene Väajel, kort-beenje un lank-beenje Tieren, fungén dän Wajch no daut Schepp.




6

Veleicht haben de Lied Beleidjungen no Noah jeschrääjen, aus hee de Tieren nenn neem. See hieeden nich opp met ääre Sinden jääjen Gott. See fruagen nich no metfoaren en daut Schepp.




7

Schliesslich wieren aule Tieren un Väajel oppem Schepp. Dan säd Gott to Noah, "Komm em Schepp! Du un diene Famielje." Noah, siene Fru, siene dree Säns un ääre Frues jinjen oppem Schepp. Dan schloot Gott de Dää too!




8




Dan funk daut
aun to räajnen.
Daut plenjad Dach un Nacht,
fa 40 Doag. De Darpa un de Städa
veschwungen unja Wota. Aus de Rääjen
opphieed, wieren soogoa de Boaj unja Wota.

9



Aus daut Wota hecha kjeem,
schwomp daut Schepp fein.
Daut es doa veleicht diesta
bennen jewast, veleicht haft
daut jeschockelt, veleicht
enjsten de Lied sikj. Oba
em Schepp wieren Noah
un de aundre secha.

10



De Äwaschwamunk dieed fief Moonat,
dan schekjt Gott eenen drieje Wint.
Met de Tiet sad sikj daut Schepp opp
eenen huagen Boajch en Ararat.
Noah bleef noch 40 Doag em
Schepp, aus daut
Wota läaja un
läaja jinkj.

11



Noah leet eene Krauj un eene Duw utem
Fensta rut flieejen.

Wiels see kjeene reine
drieje Städ funk, kjeem
de Duw trigj no Noah.
Eene Wääkj lotalee Noah
wada de Duw rut. Ditmol
kjeem see trigjmet een Blaut
von eenen Oliewen Boom em
Schnowel. Noch eene Wääkj
lota wist Noah daut de Ieed drieech
wia, wiels de Duw kjeem nich trigj.

12



Gott säd Noah daut et Tiet wia utem Schepp
to gonen. Aulatoop brochten Noah un
siene Famielje de Tieren rut.

13



Noah mott sikj sea jefreit haben!
Nu bud hee eenen
Aultoa un bäd
Gott aun, dee am un
siene Famielje von de
grooten Äwaschwamunk
jerat haud.

14

Gott muak Noah
een sea scheenet
Vesprääkjen. Hee
wudd niemols wada
eene Äwaschwamunk
schekjen toom de

Lied äare Sind
strofen. Gott jeef
Noah een Tieekjen:
de Rääjenboagen es
Gott sien Tieekjen
von daut Vesprääkjen.

15

No de Äwaschwamunk
muaken Noah un siene Famielje
eenen nieen Aunfank. Met
de Tiet jeef daut wada Menschen
äwa de gaunse Welt. Lied von
aule Lenda staumen von
Noah un siene Kjinja.

16

Noah un de groote Äwaschwamunk

Eene Jeschicht von en daut Wuat Gottes,
de Bibel

finjt eena en

1. Mose 6-10

"Wan dien Wuat openboat woat,
jeft daut Licht." Psalm 119:130

17

Daut Enj

3

60

18

Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
wascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

19